

প্রথম অধ্যায়

প্রয়োজন বুঝে যোগাযোগ করি

১.১ পরিস্থিতি অনুযায়ী যোগাযোগের উপায়

নিচে কিছু পরিস্থিতি দেওয়া হলো। এসব পরিস্থিতিতে যোগাযোগের উদ্দেশ্য কী হতে পারে, উদ্দেশ্য পূরণের জন্য কার সঙ্গে এবং কীভাবে যোগাযোগ করা যেতে পারে, তা উল্লেখ করো। ছোটো ছোটো দলে কয়েকজন মিলে কাজগুলো উপস্থাপন করো। সব দলের উপস্থাপনা শেষ হলে প্রয়োজনে নিজেদের কাজ সংশোধন করে নাও। নিচে একটি নমুনা উত্তর দেওয়া হলো।

পরিস্থিতি	যোগাযোগের উদ্দেশ্য	যার সঙ্গে যোগাযোগ করা যেতে পারে	যেভাবে উদ্দেশ্য প্রকাশ করা যেতে পারে
বাড়িতে কেউ অসুস্থ হয়ে পড়েছে।	অসুস্থ ব্যক্তির জন্য দ্রুত চিকিৎসার ব্যবস্থা করা	<ul style="list-style-type: none"> পরিবারের সদস্য ডাক্তার কাছের হাসপাতাল অ্যাম্বুলেন্স হেল্পলাইন (১৬২৬৩) 	<ul style="list-style-type: none"> অসুস্থ ব্যক্তির শারীরিক অবস্থা ব্যাখ্যা করা প্রাথমিকভাবে রোগীর জন্য কী করা যেতে পারে জানতে চাওয়া বাড়ির ঠিকানা বলা
স্কুলের পরিচয়পত্র হারিয়ে গেছে।	পরিচয় পত্রটি ফিরে পাওয়া	সহপাঠী প্রধান শিক্ষক মা, বাবা স্কুলের দপ্তরি	<ul style="list-style-type: none"> -পরিচয় পত্রটি পেয়েছে কি না জানতে চাওয়া, -পরিচয় পত্রের নাম ঠিকানা সহ বিস্তারিত বলা
এমন এলাকায় দাওয়াত পেয়েছি যেখানে আগে কখনো যাইনি।	সেখানে যাওয়ার উপায় বের করা	যার মাধ্যমে দাওয়াত পেয়েছি, বন্ধু, সহপাঠী মা, বাবা, ঐ এলাকার পরিচিত যে কেউ,	এলাকার নাম ঠিকানা জানতে চাওয়া, এখান থেকে এলাকার দূরত্ব কত? কোন যানবাহনে যেতে সুবিধা হবে?
একজন বন্ধু বেশ কিছুদিন ধরে ক্লাসে আসছে না।	ক্লাসে না আসার কারন জানতে চাওয়া	সহপাঠী, স্কুল শিক্ষকদের সাথে, তার কাছের বন্ধু, তার পরিবারের সদস্য,	সে কেন অনুপস্থিত তা জানতে চাওয়া অসুস্থ হয়েছে কি না জানতে চাওয়া ক্লাসে না আসার অন্য কোন কারন থাকলে জেনে নেওয়া
এলাকায় একটি অপরিস্রুত শিশু পাওয়া গেছে।	শিশুটাকে নিজস্ব ঠিকানায় পৌঁছে দেওয়া	এলাকার সম্মানিত ব্যক্তি এলাকার বড় ভাই, বন্ধু এলাকার মেস্বার, শিশুটার এলাকার কেউ,	শিশুটার পরিচয় সম্পর্কে জানতে চাওয়া, শিশুটার মা, বাবা বা পরিচিত জনদের সাথে যোগাযোগ করা।

১.২ যোগাযোগে চিন্তা ও অনুভূতির প্রকাশ

যোগাযোগে পরিস্থিতি বিবেচনায় নিতে হয়। নিচে কয়েকটি ঘটনা দেওয়া হলো। ঘটনাগুলোর সঙ্গে দেওয়া প্রশ্নগুলোর উত্তর দাও। উত্তরগুলো নিয়ে সহপাঠীর সাথে আলোচনা করো এবং প্রয়োজনে সংশোধন করো। প্রথমটি করে দেখানো হলো।

ঘটনা ১

টিফিনের সময়ে বারান্দায় দাঁড়িয়ে সামিয়া ও নয়ন কথা বলছে।

সামিয়া: আগামী শুরুরবার আমার ছোটো বোনের জন্মদিন। তুমি ঐদিন বিকেলে আমাদের বাসায় এসো। রীতা, মিতু ও শাহেদকে আসতে বলেছি।

নয়ন: ধন্যবাদ সামিয়া। আমি বাসায় মার সাথে কথা বলে তোমাকে জানাব।

সামিয়া: ঠিক আছে। তুমি এলে আমার অনেক ভালো লাগবে। আমরা সবাই মিলে অনেক মজা করতে পারব। আমার মাকেও আমি তোমার কথা বলেছি।



সামিয়ার যোগাযোগের উদ্দেশ্য কী?	জন্মদিনের দাওয়াত দেওয়া।
এই যোগাযোগে কোন চিন্তা ও অনুভূতির প্রকাশ ঘটেছে?	বন্ধুরা মিলে আনন্দ করা।
আর কীভাবে সামিয়া উদ্দেশ্য প্রকাশ করতে পারত?	<ul style="list-style-type: none"> • ঐদিন কী কী মজার কাজ করবে তা পরে জানাতে পারত। • জন্মদিনের পরিকল্পনায় নয়নের সাহায্য চাইতে পারত।

ঘটনা ২

৫ই জুন। বিশ্ব পরিবেশ দিবস। স্কুলের সামনে বড়ো একটি ব্যানার নিয়ে দাঁড়িয়ে আছে শিক্ষার্থীরা। তাদের সঙ্গে শিক্ষকরাও আছেন। ব্যানারে লেখা ‘গাছ লাগাও পরিবেশ বাঁচাও’। কয়েকজন শিক্ষার্থীর হাতে কয়েকটি প্ল্যাকার্ড দেখা যাচ্ছে। সেখানে এই বিশেষ দিনটি উপলক্ষ করে কিছু কথা লেখা আছে।



শিক্ষার্থীরা কোন উদ্দেশ্যে স্কুলের সামনে দাঁড়িয়েছে?	বিশ্ব পরিবেশ দিবস উদযাপন করা
এই যোগাযোগে কোন চিন্তা ও অনুভূতির প্রকাশ ঘটেছে?	সকলে মিলে পরিবেশ বাঁচাতে সচেতন করা
আর কীভাবে তারা এই উদ্দেশ্য প্রকাশ করতে পারত?	<ol style="list-style-type: none"> ১. ঐ দিন তারা স্কুলের আশেপাশে গাছ লাগানোর আয়োজন করতে পারতো। ২. গাছ লাগান, পরিবেশ বাঁচান শিরোনামে সভা বা সেমিনারের আয়োজন করতে পারতো।

ঘটনা ৩

শিমুর ছোটো ভাইয়ের বয়স বারো বছর। সকাল থেকে তাকে খুঁজে পাওয়া যাচ্ছে না। সন্ধ্যার সময়ে থানায় শিমুর বাবা ও চাচা কথা বলছেন পুলিশ অফিসারের সাথে।

পুলিশ : সকাল কয়টা থেকে তাকে পাওয়া যাচ্ছে না বললেন?

বাবা : সকাল নয়টা থেকে।

পুলিশ : সে কেন ঘর থেকে বের হয়েছিল বলতে পারেন?

বাবা : সম্ভবত মোড়ের দোকানে চকলেট কিনতে গিয়েছিল।

পুলিশ : তার কোনো ছবি আছে আপনাদের কাছে?

[বাবা ছবি এগিয়ে দিলেন পুলিশ অফিসারের দিকে।]

পুলিশ : আপনারা কি ওর বন্ধুদের বাড়িতে খোঁজ নিয়েছেন?

চাচা : আমরা ওর কয়েকজন বন্ধুর বাড়ি ফোন করেছিলাম। কারো বাড়িতেই সে যায়নি।

পুলিশ : আপনারা একটি লিখিত অভিযোগ করে যান। আমরা দেখছি।



শিমুর বাবা কোন উদ্দেশ্যে থানায় যোগাযোগ করেছেন?	মিসিং ডায়েরি করার জন্য
এখানে শিমুর বাবার কোন চিন্তা ও অনুভূতির প্রকাশ ঘটেছে?	যেভাবেই হোক তাকে খুঁজে বের করা
অন্য কীভাবে শিমুর বাবা এ উদ্দেশ্য প্রকাশ করতে পারতেন?	১. তাকে খুঁজে পাওয়ার ব্যাপারে তারা যাতে দ্রুত পদক্ষেপ নেয়। ২. সে কোথায় কেন গিয়েছিল তা জানাতে পারতো।

যোগাযোগের উদ্দেশ্য

আমরা বিভিন্ন উপায়ে মানুষের সাথে যোগাযোগ করি। এসব যোগাযোগের পিছনে এক বা একাধিক উদ্দেশ্য থাকে। কারো খবর নেওয়া, কাউকে দাওয়াত দেওয়া, কোনো কিছু চাওয়া, কোনো উত্তর খোঁজা কিংবা আরো নানা প্রয়োজনে যোগাযোগের দরকার হয়। পরিবেশ-পরিস্থিতি বিবেচনায় নিয়ে এবং ব্যক্তি বা প্রতিষ্ঠানের সাথে সম্পর্কের ধরন অনুযায়ী যোগাযোগের উদ্দেশ্য নানা রকম হয়।

কার্যকর উপায়ে যোগাযোগ

যোগাযোগের ক্ষেত্রে ভাষিক ও অভাষিক দুটি ধরন রয়েছে। দৈনন্দিন জীবনে আমরা লিখে, বলে, ইশারা ও অঙ্গভঙ্গির মাধ্যমে একে অপরের সাথে যোগাযোগ করি। যোগাযোগের ক্ষেত্রে পরিস্থিতি বিবেচনায় রাখতে হয়। কাউকে জন্মদিনের দাওয়াত যেভাবে দেওয়া যায়, শোকসন্তপ্ত পরিবারের কারো সাথে সেভাবে কথা বলা যায় না। কথা বলার সময়ে প্রসঙ্গকে বিবেচনায় নিতে হয়। মর্যাদা অনুযায়ী সর্বনাম ও ক্রিয়াশব্দের ব্যবহারের দিকে খেয়াল রাখতে হয়। যোগাযোগের সময়ে উদ্দেশ্য অনুযায়ী চিন্তা ও অনুভূতির প্রকাশ যথাযথ হলো কি না, সেটি খেয়াল করতে হয়। ব্যক্তিগত যোগাযোগ ও আনুষ্ঠানিক যোগাযোগের উদ্দেশ্য এক রকম হয় না। উদ্দেশ্য অনুযায়ী যোগাযোগের যথাযথ উপায় বেছে নিতে হয়। কোনো কোনো ক্ষেত্রে একই প্রয়োজনে একাধিক উপায়ে যোগাযোগ করার দরকার হয়।

মৌখিক যোগাযোগের ক্ষেত্রে অঙ্গভঙ্গি, গলার স্বর, তাকানোর ধরন ইত্যাদিও গুরুত্বপূর্ণ। মৌখিক যোগাযোগের ক্ষেত্রে যেভাবে পরিস্থিতি, চিন্তা-অনুভূতি ও উদ্দেশ্য প্রকাশ করা যেতে পারে, তার একটি নমুনা নিচে দেওয়া হলো:

যোগাযোগের উদ্দেশ্য	যেভাবে পরিস্থিতি তুলে ধরা যেতে পারে	যেভাবে চিন্তা ও অনুভূতি প্রকাশ করা যেতে পারে	যেভাবে উদ্দেশ্য প্রকাশ করা যেতে পারে
বন্ধুর জন্মদিনে যোগ দেওয়ার জন্য অভিভাবকের কাছে অনুমতি চাওয়া।	মা, সামনের শুক্রবার আমার এক বন্ধুর জন্মদিন। সেদিন বিকালে আমাদের ক্লাসের কয়েকজনকে দাওয়াত দিয়েছে।	সেদিন অনেক মজা হবে। সেখানে গেলে সবাই মিলে অনেক আনন্দ করতে পারব।	বিকালের অনুষ্ঠান শেষ করে আমি সন্ধ্যার আগেই ঘরে ফিরব। এই অনুষ্ঠানে যাওয়ার ব্যাপারে আমি তোমার অনুমতি চাই।

লিখিত যোগাযোগের সময়ে অঙ্গভঙ্গি, গলার স্বর, তাকানোর ধরন ইত্যাদির সুযোগ নেই। তাই লিখিত যোগাযোগের ক্ষেত্রে শব্দ ও বাক্য প্রয়োগের মাধ্যমে সেই অভাব পূরণ করতে হয়।

লিখিত যোগাযোগ নানা ধরনের হয়ে থাকে; যেমন—ব্যক্তিগত যোগাযোগ, প্রাতিষ্ঠানিক যোগাযোগ, ব্যবসায়িক যোগাযোগ ইত্যাদি। এসব যোগাযোগের কাঠামোও আলাদা। এখানে প্রাতিষ্ঠানিক যোগাযোগের নমুনা হিসেবে একটি আবেদনপত্রের কাঠামো দেখানো হলো। এই আবেদনপত্রে ক্লাসরুমে পাঠাগার তৈরির জন্য স্কুলের প্রধান শিক্ষকের কাছে শিক্ষার্থীরা আবেদন করছে।

১২ ফেব্রুয়ারি ২০২৪

প্রধান শিক্ষক

ফুলঝুরি উচ্চ বিদ্যালয়

বরগুনা সদর উপজেলা

বরগুনা।

বিষয়: ক্লাসরুম পাঠাগার তৈরির জন্য অনুমতি ও অনুদানের আবেদন।

মহোদয়

আমরা ফুলঝুরি উচ্চ বিদ্যালয়ের অষ্টম শ্রেণির শিক্ষার্থী। আমাদের ক্লাসরুমের ভিতরে আমরা একটি পাঠাগার তৈরি করতে চাই। ক্লাসরুমের ভিতরে একটি পাঠাগার থাকলে বিরতির সময় আমরা বিভিন্ন ধরনের বই পড়তে পারব যা আমাদের অনেকেরই পছন্দের কাজ। পাঠাগার স্থাপনের জন্য আমাদের একটি বইয়ের সেলফের প্রয়োজন, যা শ্রেণিকক্ষের এক কোনায় রাখা হবে। এছাড়া এই সেলফে রাখার জন্য কিছু বই কেনারও প্রয়োজন। শ্রেণিশিক্ষকের তত্ত্বাবধানে আমরা এই পাঠাগার পরিচালনা করতে চাই।

এজন্য আপনার সদয় অনুমতি এবং আর্থিক অনুদান কামনা করি।

বিনীত

অষ্টম শ্রেণির শিক্ষার্থীবৃন্দ,

ফুলঝুরি উচ্চ বিদ্যালয়।

গল্প থেকে যোগাযোগের উপাদান খুঁজি

নিচের গল্পটি রাবেয়া খাতুনের (১৯৩৫-২০২১) লেখা। তিনি মূলত কথাসাহিত্যিক। তাঁর ‘মেঘের পরে মেঘ’, ‘মধুমতী’, ‘কখনো মেঘ কখনো বৃষ্টি’ এসব উপন্যাস থেকে চলচ্চিত্র নির্মিত হয়েছে। ছোটোদের জন্য তিনি অনেক গল্প-উপন্যাস লিখেছেন।

অপারেশন কদমতলী রাবেয়া খাতুন



আজকাল দাদি সহস্রদল চম্পকদলের গল্প বলতে গিয়ে প্রায়ই বলে বসেন, ‘জাগে চম্পকদল, জাগে সহস্রদল, আর জাগে জয় বাংলা রেডিও।’

চন্দন চাপা গলায় বলে ওঠে, ‘ও দাদি, তোমার হলো কী?’

আম্না বড়ো একটা হাই তুলে বলল, ‘কী আবার হবে, আমার মতো ঘুম ধরেছে।’

আম্না সঙ্গে সঙ্গে চোঁচায়, ‘বলিস কিরে, মোটে রাত আটটা।’

আসলেও তাই। বাইরে জরুরি অবস্থা—অন্ধকার। গোটা বাড়িতে আলো বলতে একটিমাত্র সলতে-কমানো নিভু-নিভু হারিকেন। রেডিয়াম দেওয়া টেবিলঘড়িতে জ্বলজ্বল করছে শুধু আট সংখ্যাটা।

এমন সন্ধ্যা রাতে ক মাস আগেও গমগম করত রাস্তাঘাট। ভাইয়া প্রাইভেট টিউটরের কাছ থেকে পড়ে বাসায় ফিরত। ছোটো চাচা ফিরত র্যাকেট ঘোরাতে ঘোরাতে ব্যাডমিন্টন কোর্ট থেকে। রাস্তার ওপারে দোকানগুলোর কোনোটায়ে জ্বলত রঙিন বাল্ব। কোনোটা থেকে বাজত চড়া স্বরে রেডিওর গান। চায়ের স্টলে পেয়ালার গরম ধোঁয়ার সঙ্গে আরো গরম কথাবার্তা। শেখ মুজিব, মুক্তিযোদ্ধা, ইয়াহিয়া খান, ... নানা রকমের নাম, আলোচনা। চন্দন ঠিক বুঝতে পারত না। কিন্তু দিনভর ওইসব কথাই শুনত ট্রানজিস্টারে, খেলার মাঠে, যেখানে-সেখানে। একটা যুদ্ধ আসার কথা সবার মুখে মুখে। যুদ্ধ শব্দটা অচেনা কিছু নয়। রূপকথার বই থেকে ইতিহাসের বই—সব জায়গাতেই রাজায় রাজায় যুদ্ধ বাধে। কখনো সীমানা নিয়ে, কখনো রাজপুত্র-রাজকন্যা নিয়ে। শেষটায় যে পক্ষ সৎ সেই জিতে যায়। কিন্তু বাংলাদেশের যুদ্ধটা যেন কেমন। রাজায়-প্রজায় যুদ্ধটাও আবার মুখোমুখি নয়। মাঠে-ময়দানে নয়। রাজার সৈন্যরা যা খুশি তাই করে বেড়াচ্ছে।

লড়াই শুরু হতে না হতেই গোবেচারা ছোটো চাচাকে হাত বেঁধে, জিপে করে কোথায় যেন নিয়ে গেল। মার্চ থেকে সেপ্টেম্বর। আজও ফেরার নাম নেই। কেউ বলে, তাকে গুলি করে মেরে ফেলা হয়েছে। কেউ বলে বন্দি করে রাখা হয়েছে কুর্মিটোলার শিবিরে। শুধু ছোটো চাচা নয়, এই কয় মাসে নান্টুর চাচা, দিলুর বড়ো ভাই, ননির বাবা—আরো কতজনকে যে নিয়ে যাওয়া হয়েছে, কেউ ফেরেনি। কারো কোনো খবরও নেই। এখন মাগরেবের পর সারা পাড়া নিরুন্ম হয়ে যায়। অন্ধকার হয়ে যায়। কোথাও কোনো আলো নেই। শব্দ নেই। অথচ এখানে থাকে কয়েক হাজার মানুষ। এখন যেন পুরো মহল্লা রূপকথার সেই রাক্ষসপুরীর মতো হয়ে গেছে। রাজার রাজ্যে একটিও জ্যান্ত লোক নেই। সব গেছে রাক্ষসের পেটে।

দাদি অবশ্য বলেন, ‘রাক্ষসের গিলে-খাওয়া এই মানুষগুলো একদিন দেখিস ঠিক ফিরে আসবে।’

আম্না খুব অবাক হয়ে প্রশ্ন করে, ‘সত্যি? কেমন করে?’

‘দেখবি আমাদের পাড়ার এই রাস্তাঘাট খান সেনাদের বদলে ভরে যাবে মুক্তিসেনায়া। ওরা এখন সংখ্যায় কম বলে বনে-জঙ্গলে থেকে যুদ্ধ করছে। এ যুদ্ধকে বলে গেরিলা যুদ্ধ।’

আম্না মাথার ওপর হাত তুলে বলে, ‘আমরাও তাহলে যুদ্ধ করছি।’

চন্দন চাপা গলায় চোঁচিয়ে ওঠে, ‘এই জন্যই তো তোকে দলে নিতে চাইনি।’

আম্না দু কানের লতি ঝুঁয়ে বলল, ‘আর ভুল হবে না ভাইয়া।’

চন্দন খুশি হয়ে ওঠে। দু বছরের বড়ো হলেও আম্না ওকে নাম ধরেই ডাকে। শুধু এইসব বেগতিক সময়ে ডাকে ভাইয়া। সেও তখন গম্ভীর মুখে আস্তে আস্তে বলে, ‘কাল আমাদের অপারেশন। মনে আছে তো?’

মান্না জবাব দেয়, ‘আছে আছে। খুব আছে। কাল তো জুম্মাবার। সবাই বাবার সঙ্গে পাজামা, পাঞ্জাবি, টুপি পরে মসজিদে যাব। তারপর ...।’

দাদি আবার কথা বলছেন। ওরা ভেবেছিল দাদির চোখে ঘুম নেমেছে। এখন বুঝল আসলে জমেছিল পানি। ঝাঁচলে চোখ ঘষে আবার শুরু করলেন, ‘রাজার রাজ্যের শেষ সীমানায় শেওলাধরা পোড়োবাড়ি। দুই ভাই সহস্রদল, চম্পকদলকে পাঠানো হয়েছে বক-রাক্ষসের খাবার হিসেবে। রাক্ষস বাইরে থেকে দরজায় ধাক্কা দিয়ে বলল, ভেতরে কে ঘুমায়? দুই ভাই পরামর্শ করে রাত জাগছিল। ঘুমিয়ে গেলেই বক-রাক্ষস দরজা ভেঙে ভেতরে ঢুকে ওদের খেয়ে ফেলবে। তখন ছিল চম্পকদলের পালা। সে আবার একটু ঘুমিয়েও পড়েছিল। রাক্ষসের বিকট গলা শুনে জেগে উঠে জবাব দিল, কেউ ঘুমায় না। জাগে সহস্রদল। জাগে চম্পকদল। আর জাগে ...।’

দাদিকে থেমে যেতে হয়। নিভু-নিভু হারিকেনের কাছে খুব কম আওয়াজে বাজছে স্বাধীন বাংলা বেতার কেন্দ্রের গান—মোরা একটি ফুলকে বাঁচাব বলে যুদ্ধ করি ...।

সবাই যখন গান শোনায় চুপচাপ, মান্নার হাত ধরে চন্দন বারান্দার কোণে এসে দাঁড়াল। পথে শুধু থমথমে বিদঘুটে অন্ধকার। টহলদার শত্রুসেনাদের বুটের বিশ্রী শব্দ। সেই সঙ্গে কুকুরদের আর্তনাদ। আজকাল সারারাত ওরা ডাকে। দাদি বলেছেন, বোবা জানোয়ারেরা নাকি বিপদ-আপদ মানুষের আগে বুঝতে পারে। পঁচিশে মার্চের মাঝরাত থেকে সেই যে কুকুর ডাকা শুরু হয়েছে, কে জানে কবে থামবে। শফি ভাই অবশ্য বলেছেন, বেশি দিন আর নেই। অত্যাচারী রাজা ইয়াহিয়া আর তার মন্ত্রী টিক্কা খানের রাজত্ব গেল বলে। খুব চাপা স্বরে চন্দন বলল, বুঝলি মান্না, কাল থেকে শুরু হয়ে যাবে খাস ঢাকা শহরের ভেতর নানা দিকের অপারেশন। এই পাড়ায় যখন প্রথম এলাম তখন কান্না পেয়েছিল। কোথায় গ্রিন রোড, কোথায় বাসাবো। এখানে ছিলাম বলে কদমতলী অপারেশনের সুযোগ পেয়ে গেলাম। তোকে কী করতে হবে, মনে আছে তো?’

‘আছে। বাবার সঙ্গে আমি ঠিকই মসজিদে উঠব, তুই কেটে যাবি পিছন থেকে।’

‘আর আমি সহিসালামতে ফিরে আসামাত্র কিংবা যদি মারাও পড়ি, পাড়ায় ছড়িয়ে দিবি—হাজার হাজার খানসেনা মুক্তিযোদ্ধাদের আক্রমণে মারা গেছে।’

‘ঠিক আছে, চল ঘুমাতে যাই।’

‘তুই যা। আমি আরো কিছুক্ষণ জেগে টহলদার শয়তানের বাচ্চাগুলোর বুটের শব্দের জবাব দিয়ে যাই—জাগে চন্দন, জাগে মান্না।’

আর জাগে বাসাবোর পোলাপানেরা।

মার ডাকে কখন ঘরে গিয়ে শুয়েছিল মনে নেই চন্দনের। ঘুম ভাঙল পাখির ডাকে। সঙ্গে সঙ্গে বুক কাঁপল। আজকাল পাখি ডাকা মানে সকাল হওয়া নয়। খানসেনারা সারা রাত ভরে যখন-তখন মুড়ি-মটরের মতো রাইফেলের গুলি ছোড়ে। ভয় পেয়ে ঘুমন্ত পাখিরা বাসা ছেড়ে অস্থির ডানায চক্কর দিতে থাকে শূন্যে। ওদের ভয়ানক কান্নায় পাড়ার মানুষের ঘুম ভাঙে। কিন্তু কিছু করতে পারে না। পাশের বাড়ির খালু, দুশো বিশ নম্বর বাড়ির সানু, মানু, দুলি আপাকে যখন অকারণে বন্দুকের নলের মুখে তুলে নিয়ে গেল, তখন কেউ টু শব্দও

করতে পারেনি—জবাব দিতে পারেনি তাদের করুণ কান্নার। তাই পাখির ডাক এখন ভোর হওয়ার আনন্দের নয়, নিশি রাতের আতঙ্কের।

দু চোখ ডলে এখন অবশ্য চন্দন বুঝতে পারল, সত্যি সকাল হয়েছে। চারদিকে ঠান্ডা সূর্যের আলো। কিন্তু ক্যালেন্ডারের দিকে চোখ যেতেই রক্ত গরম হয়ে গেল—২৫শে ভাদ্র, ১০ই সেপ্টেম্বর ১৯৭১।

চা-নাশতা সেরে, ঘড়ির দিকে চেয়ে অস্থির সময় কাটতে লাগল, কখন মসজিদের মিনার থেকে শোনা যাবে আজানের আওয়াজ। ত্রিবেণীর মুক্তিসেনা-শিবির থেকে ওই সময়ে দুটো ছইওয়ালা একটি জিপে করে বেরুবেন অপারেশনের ভাইয়েরা, তার কাজ কদমতলীর ফাঁড়ির দিকে বিলের বিশেষ এক জায়গায় দাঁড়িয়ে সব কিছু ঠিক আছে তার সংকেত দেখানো।

দুপুরে বিলের সেই জায়গায় দাঁড়িয়ে খবর পেল অপারেশনের কথা শুধু চন্দনরাই নয়, খানসেনারাও দেশি মীরজাফরদের কাছ থেকে জেনে ফেলেছে। তবে কিছু দেরিতে। ওরা দলেবলে পৌঁছানোর আগে যা ঘটাবার ঘটে যাবে।

পাকুড়গাছের মগডালের পাতার আড়াল থেকে সবুজ নিশান তিন বার দেখাতেই, যেন পানির অতল থেকে হঠাৎ উঠে এলো তিন তিনটি নৌকা। খাল আর বিল পেরিয়ে তারা এগোতে লাগল ফাঁড়ির দিকে। কিছুক্ষণের মধ্যে ফটাফট বন্দুকের আর রাইফেলের শব্দ। ধোঁয়ায় ধোঁয়ায় ঢেকে গেল পুলিশ ফাঁড়ির চারদিক। ধোঁয়ার ভেতর থেকে আসতে লাগল নানা রকম কাতর শব্দ।

পাকুড়গাছ থেকে নেমে চন্দন দৌড় লাগাল। কদমতলী, মাদারটেক, মুগদাপাড়া, সবুজবাগ রাস্তায় ছুটতে ছুটতে চন্দন টেঁচিয়ে বেড়াতে লাগল, ‘কে কোথায় আছেন, মুক্তির ফাঁড়ি আক্রমণ করেছে ...।’

রাস্তার ধারে ধারে ওর বয়সী যারা ছিল, সেইসব ছেলেও দলে যোগ দিয়ে বলতে লাগল, ‘ঝাঁকে ঝাঁকে মুক্তি ভাইয়েরা ... হাজার দু হাজার ...।’

ওদিকে নামাজ শেষে মুসল্লিরা শুনলেন চারদিক কাঁপছে রাইফেল, মেশিনগান আর মর্টারের আওয়াজে। তার ভেতর বালকের দল দুজন চারজন করে ভাগে ভাগে, ছুটে ছুটে বিলি করছে নতুন খবর—হাজারে হাজারে মুক্তি এসেছে ... রাতে নয়, দিনে-দুপুরে। মরেছে ফাঁড়ির পুলিশ, রাজাকার, আহত হয়েছে মেলা, আর লুট হয়েছে ফাঁড়ির নানা রকমের অস্ত্র।

ছেলেদের দুঃসাহসে ফাঁড়ির লোক প্রথমে কেঁপে উঠেছিল ত্রাসে। এই বুঝি অবুঝ দামাল ছেলেগুলোকে জিপে করে চালান দেয় কুর্মিটোলাব বন্দিশিবিরে। কিন্তু দেখা গেল জালিম রাজার সৈন্যরা ব্যস্ত নিজেদের রক্ষার কাজে। ট্রাক সাদা পর্দায় ঢেকে দ্রুত সরানো হচ্ছে কদমতলী থেকে আহত-নিহত খানসেনাদের আর বিশ্বাসঘাতক রাজাকারদের।

ওদিকে যাদের জন্য এতসব, সেই মুক্তিযোদ্ধারা বিলের কোথায় যে মিলিয়ে গেছে, খানসেনারা অনেক খোঁজাখুঁজি করেও হদিস পেল না।

বারান্দার কোণে বসে গেভারি খেতে খেতে চন্দন বলল, ‘পাবে কী করে? ভাইয়েরা জব্বর চালাক। কেউ চাষিদের সঙ্গে মিশে গেছেন, কেউ মাঝিদের, কেউ কেউ জেলেদের। খানরা কি তাদের আলাদা করে চেনে!’

২. রাক্ষসের গিলে-খাওয়া এই মানুষগুলো একদিন দেখিস ঠিক ফিরে আসবে।

কথাটা কতটুকু প্রাসঙ্গিক?

নমুনা উত্তর: কথাটি বলেছেন 'অপারেশন কদমতলী' গল্পের আন্না, মাম্মা ও চন্দন চরিত্রের দাদি। দাদি রূপকথার গল্প বলছিল গল্প শুনছিল আন্না, মাম্মা ও চন্দন। গল্প বলতে গিয়ে তিনি হঠাৎ রেডিওতে শেখ মুজিব, মুক্তিযোদ্ধা, ও ইয়াহিয়া খানকে নিয়ে নানা রকমের আলোচনা শুনতে পান। আর তাই তিনি মুক্তিযুদ্ধের সময়ের প্রসঙ্গ টেনে আনেন। এখানে রাক্ষস বলতে তিনি পাকিস্তানী হানাদার বাহিনীকে বুঝিয়েছেন। পাকিস্তানি হানাদার বাহিনীরা বাংলার সকল সাধারণ মানুষদেরকে নিয়ে বন্দি করে অন্যায়, অত্যাচার করত। এই মানুষগুলো একদিন ফিরে আসবে এ কথাটি বুঝাতে গিয়েই তিনি বলেছেন রাক্ষসের গিলে-খাওয়া এই মানুষগুলো একদিন ঠিক ফিরে আসবে। তাই এ কথাটি প্রাসঙ্গিক।

৩. এ যুদ্ধকে বলে গেরিলা যুদ্ধ।

কথাটা কতটুকু প্রাসঙ্গিক?

নমুনা উত্তর : 'এই যুদ্ধকে বলে গেরিলা যুদ্ধ' কথাটি বলেছেন আন্না, মাম্মা ও চন্দনের দাদি। দাদি তাদের বলছিলেন 'দেখবি আমাদের পাড়ার এই রাস্তাঘাট খানসেনাদের বদলে ভরে যাবে মুক্তিসেনায় ওরা এখন সংখ্যায় কম বলে বনে জঙ্গলে থেকে যুদ্ধ করছে। এ যুদ্ধকে বলে গেরিলা যুদ্ধ। কথাটি প্রাসঙ্গিক কারণ মুক্তিযুদ্ধের সময় বাংলাদেশের মুক্তিবাহিনীরা সংখ্যায় ছিল কম এবং অস্ত্রশস্ত্র ও ছিল তুলনামূলক অনেক কম তাই বনে-জঙ্গলে লুকিয়ে, রাতে আধারে সাঁতরে নদী পার হয়ে হামলা চালাত শত্রুদের উপর। চুপিসারে লুকিয়ে এমন যুদ্ধ করাই হলো গেরিলা যুদ্ধ।

৪. বেশি দিন আর নেই।

কথাটা কতটুকু প্রাসঙ্গিক?

'বেশি দিন আর নেই' কথাটি বলেছেন অপারেশন কদমতলী গল্পের সফি চরিত্র। গল্পে দাদি কুকুরের আর্তনাদ ও সারারাত ডাকার বিষয়টিকে বলেছিলেন বোবা জানোয়ারেরা নাকি বিপদ-আপদ মানুষের আগে বুঝতে পারে। ২৫ শে মার্চের মাঝরাত থেকে সেই যে কুকুর ডাকা শুরু হয়েছে কে জানে কবে থামবে। এরপর দাদী বললেন, 'শফি তাই অবশ্য বলেছেন বেশি দিন আর নেই'। এখানে এই কথাটি বলে তিনি বোঝাতে চেয়েছেন টহলদার শত্রু সেনাদের অত্যাচার আর বেশিদিন থাকবে না। তাই দাদির কথার পরিপ্রেক্ষিতে সফির কথাটি প্রাসঙ্গিক।

৫. পাবে কী করে? ভাইয়েরা জব্বর চালাক।

কথাটা কতটুকু প্রাসঙ্গিক?

নমুনা উত্তর : কথাটি বলেছে অপারেশন কদমতলী গল্পের চন্দন চরিত্র। গল্পে বারান্দার কোনে বসে গেভারী খেতে খেতে চন্দন বলল 'পাবে কি করে? ভাইয়েরা তো জব্বর চালাক। কেউ চাষীদের সঙ্গে মিশে গেছেন, কেউ মাঝিদের, কেউ কেউ জেলেদের। খানরা কি তাদের আলাদা করে চেনে! কথাটি বলার প্রসঙ্গ ছিল মুক্তিসেনারা সংখ্যায় কম হওয়ায় ছদ্মবেশে লুকিয়ে আক্রমণ চালাত। তারা তাদের নিরাপত্তার জন্য বিভিন্ন পেশার সাধারণ মানুষের সাথে মিশে যেত। এতে হানাদার বাহিনীরা তাদের আলাদা করে চিনতে পারত না। তাই এমন অবস্থায় চন্দনের কথাটি প্রাসঙ্গিক।

১.৪ যোগাযোগে মর্যাদাসূচক শব্দ

যোগাযোগে বাংলা ভাষায় তিন ধরনের সর্বনাম ব্যবহার করা হয়—সাধারণ সর্বনাম, মানী সর্বনাম ও ঘনিষ্ঠ সর্বনাম। একইসঙ্গে মর্যাদা অনুযায়ী ক্রিয়ার রূপও তিন ধরনের হয়—সাধারণ ক্রিয়ারূপ, মানী ক্রিয়ারূপ ও ঘনিষ্ঠ ক্রিয়ারূপ।

নিচে ‘অপারেশন কদমতলী’ গল্প থেকে কিছু বাক্য দেওয়া হলো। বাক্যগুলোর সঙ্গে দেওয়া প্রশ্নগুলোর জবাব লেখো। কাজ শেষ হলে সহপাঠীর সঙ্গে আলোচনা করো এবং প্রয়োজনে সংশোধন করে নাও। প্রথম দুটির নমুনা উত্তর করে দেওয়া হলো।

১. ও দাদি, তোমার হলো কী?

এখানে কোন ধরনের সর্বনাম ব্যবহার করা হয়েছে? সাধারণ সর্বনাম

মানী সর্বনামের প্রয়োগে বাক্যটি কেমন হবে?

ও দাদি, আপনার হলো কী?

ঘনিষ্ঠ সর্বনামের প্রয়োগে বাক্যটি কেমন হবে?

ও দাদি, তোর হলো কী?

২. মাল্লা সঙ্গে সঙ্গে চোঁচায়।

এখানে কোন ধরনের ক্রিয়ারূপ ব্যবহার করা হয়েছে? সাধারণ ক্রিয়ারূপ

মানী ক্রিয়ারূপের প্রয়োগে বাক্যটি কেমন হবে?

মাল্লা সঙ্গে সঙ্গে চোঁচান।

৩. রাক্ষসের গিলে-খাওয়া এই মানুষগুলো একদিন দেখিস ঠিক ফিরে আসবে।

এখানে বাক্যের মাঝে কোন ধরনের ক্রিয়ারূপ ব্যবহার করা হয়েছে? ঘনিষ্ঠ ক্রিয়ারূপ

সাধারণ ক্রিয়ারূপের প্রয়োগে বাক্যটি কেমন হবে?

রাক্ষসের গিলে-খাওয়া মানুষগুলো দেখবে একদিন ঠিক ফিরে আসবে।

মানী ক্রিয়ারূপের প্রয়োগে বাক্যটি কেমন হবে?

রাক্ষসের গিলে-খাওয়া মানুষগুলো দেখবেন একদিন ঠিক ফিরে আসবে।

৪. তোকে কী করতে হবে, মনে আছে তো?

এখানে কোন ধরনের সর্বনাম ব্যবহার করা হয়েছে? ঘনিষ্ঠ সর্বনাম

সাধারণ সর্বনামের প্রয়োগে বাক্যটি কেমন হবে?

তোমাকে কি করতে হবে মনে আছে তো?

মানী সর্বনামের প্রয়োগে বাক্যটি কেমন হবে?

আপনাকে কি করতে হবে মনে আছে তো?

৫. ঠিক আছে, চল ঘুমাতে যাই।

এখানে কোন ধরনের ক্রিয়ারূপ ব্যবহার করা হয়েছে? ঘনিষ্ঠ সর্বনাম

সাধারণ ক্রিয়ারূপের প্রয়োগে বাক্যটি কেমন হবে?

ঠিক আছে, চল ঘুমাতে যাই।

মানী ক্রিয়ারূপের প্রয়োগে বাক্যটি কেমন হবে?

ঠিক আছে, চলেন ঘুমাতে যাই।

৬. তুই যা।

এখানে কোন ধরনের সর্বনাম ব্যবহার করা হয়েছে? ঘনিষ্ঠ সর্বনাম

মানী সর্বনামের প্রয়োগে বাক্যটি কেমন হবে?

আপনি যান।

সাধারণ সর্বনামের প্রয়োগে বাক্যটি কেমন হবে?

তুমি যাও।

৭. খাল আর বিল পেরিয়ে তারা এগোতে লাগল ফাঁড়ির দিকে।

এখানে কোন ধরনের সর্বনাম ব্যবহার করা হয়েছে? সাধারণ সর্বনাম

মানী সর্বনামের প্রয়োগে বাক্যটি কেমন হবে?

খাল আর বিল পেরিয়ে উনারা এগোতে লাগলো ফাঁড়ির দিকে।

৮. তুই অপারেশনে অংশ নিয়েছিস!

এখানে কোন ধরনের সর্বনাম ব্যবহার করা হয়েছে? ঘনিষ্ঠ সর্বনাম

মানী সর্বনামের প্রয়োগে বাক্যটি কেমন হবে?

আপনি অপারেশনে অংশ নিয়েছেন!

সাধারণ সর্বনামের প্রয়োগে বাক্যটি কেমন হবে?

তুমি অপারেশনে অংশ নিয়েছো!

১.৫ যোগাযোগের উপাদান বিশ্লেষণ

নিচের ছকে তোমার নিজের অভিজ্ঞতা থেকে একটি পরিস্থিতির উল্লেখ করো। ঐ পরিস্থিতিতে তুমি কীভাবে তোমার উদ্দেশ্য ও চিন্তা-অনুভূতির প্রকাশ করেছিলে, সেটি লেখো। আর কীভাবে প্রকাশ করলে এই উদ্দেশ্য ও চিন্তা-অনুভূতির প্রকাশ আরো ভালোভাবে হতে পারত বলে মনে করো? লেখা হয়ে গেলে সহপাঠীদের সাথে আলোচনা করো এবং তাদের মতামত নাও।

পরিস্থিতি

একদিন পাশের বাড়িতে আগুন লেগেছিলো

যোগাযোগের উদ্দেশ্য

আগুন নেভাতে সাহায্য করা

যে ধরনের চিন্তা ও অনুভূতি প্রকাশ পেয়েছে

এলাকায় আমার পরিচিত সকল কে ফোন করে বা যেভাবেই পারি দ্রুত ডেকে এনে আগুন নেভানোর ব্যবস্থা করা।

আর কী উপায়ে যোগাযোগ করা যেত

যত দ্রুত সম্ভব আশেপাশের ফায়ার স্টেশন এর নাম্বার সংগ্রহ করে জানাতে পারতাম অথবা জরুরি পরিষেবা ৯৯৯ কল করতে পারতাম।

উপরের পরিস্থিতি নিয়ে পরিবার বা পরিবারের বাইরের কোনো ব্যক্তির সাথে আলোচনা করো। যোগাযোগের উদ্দেশ্য পূরণে পরিস্থিতি বিবেচনায় আর কী কী করা যেতে পারত, সে ব্যাপারে তাঁর মতামত নাও এবং নিচে উল্লেখ করো।

উপরের পরিস্থিতি নিয়ে এলাকার মেম্বারের সাথে আলোচনা করেছিলাম। তিনি বলেছিলেন এরকম জরুরি মুহূর্তে সকলের জন্য অপেক্ষা না করে ফায়ার স্টেশনে জানিয়ে তাদের আসার আগে নিজেরা যতটুকু সম্ভব পানি দিয়ে আগুন নিয়ন্ত্রণে আনার চেষ্টা করা।

১.৬ প্রয়োজন বুঝে যোগাযোগ করি

দলে আলোচনা করে তোমাদের বিদ্যালয় বা শ্রেণিকক্ষের কোনো একটি সমস্যা চিহ্নিত করো। এই সমস্যা দূর করার জন্য কার সঙ্গে যোগাযোগ করা যেতে পারে, সেটি ঠিক করো। এই কাজে মৌখিক যোগাযোগের প্রয়োজন হলে কীভাবে উপস্থাপন করবে এবং লিখিত যোগাযোগের প্রয়োজন হলে কীভাবে লিখবে, তা আলোচনা করো এবং সে অনুযায়ী কাজ করো।

নিচের ছকটি তোমাদের কাজের পরিকল্পনা করতে সাহায্য করতে পারে।

প্রয়োজন (সমস্যা/চাহিদা)	যার সঙ্গে যোগাযোগ করা যেতে পারে	মৌখিক যোগাযোগ	লিখিত যোগাযোগ
শ্রেণিকক্ষের ভিতরে পাঠাগার স্থাপন	<ul style="list-style-type: none"> শ্রেণিশিক্ষক প্রধান শিক্ষক অন্য শ্রেণির শিক্ষার্থী পরিবারের সদস্য 	<ul style="list-style-type: none"> সরাসরি কথা বলা মোবাইল ফোনে কথা বলা 	<ul style="list-style-type: none"> আবেদনপত্র বিজ্ঞপ্তি পোস্টার

